

*Ex nominibus itaque adiectiuis, quæ admittunt augmentum, uel decrementum, siue sint positiua, siue deriuata; modò non sint à proprijs uirorum, aut mulierum, formari poterunt comparatiua. Formantur autem hoc modò, ut, ferè nihil mutando de positiuo & deriuato, uel certè parum, comparatiuum per additionem syllabæ, yi, fiat.*

*Ex patrijs, gentilibus, interrogatiuis, reditiuis, partitiuis, ac numeralibus ferè comparatiua formari non possunt.*

3 *Superlatiuum uerò est nomen adiectiuũ in summo, uel in infimo rem significatam constituens; & quamquam nos superlatiua non habeamus; ex uaria tamen coniunctione particularum, nay, & pre, uel pri, cum positiuis, aut comparatiuis uim superlatiui exprimimus.*

4 *Animaduertendum autem est particulam, pre, uel pri, copulari cum positiuo sine ulla comparatione rei, ad rem, ut, prilipi, pulcherrimus: pridragi, carissimus. Particula uerò, nay, non sine comparatione cum comparatiuo coniungitur, ut, náy, lipsci, pulcherrimus omnium.*